

欽定剿平三省邪匪方略

欽定剿平三省邪匪方略正編卷二百三十六

辛酉年

二月初六日

壬子

上命軍機大臣傳諭書麟曰近年教匪滋事起於襄陽該處毗連豫省而鄰郡鄖陽所屬之竹山竹谿等處亦與川陝接壤實爲四達要區自昔稱爲雄鎮現在書麟因荆襄地方緊要請令倭什布前赴荆襄一帶駐劄最合機宜前此拏獲劉之協亦據

供稱曾在襄陽傳教因查拏緊急約同齊王氏姚之富等一齊起事可見該處地方遼濶習教人多若無大員彈壓易於聚匪藏奸向來該省督撫俱同駐武昌相距襄鄖較遠而湖廣提督又因苗疆緊要移駐辰州襄鄖等郡鞭長莫及雖設有鎮道等官恐尙不足以資控制因思鄖陽地方從前曾設有撫治之職後經裁去今襄鄖各屬爲教匪逋

敗之後所剩尙有二千數百名零星潰竄向土
門舖賽金場等處四散奔逃先派阿哈保薛大
烈帶兵窮追臣卽審辦活賊並搜捕後路餘孽
於十九二十等日節據派出將備陸續搜獲散
賊並投出難民溫應連等八十三名因沿江一
帶地方散漫恐尙有竄匪潛匿必須搜除淨盡
而嘉陵江現安兵勇不敷不甚周密此次賊至

河溪關隔岸兵勇幾有衆寡不敵之勢是以

臣

一面催令阿哈保等趕緊追剿一面卽由蓬州南部閬中蒼溪等處沿江查看地方情形點驗卡隘兵勇茲於閬中蒼溪途次連據前敵具報賊匪分股狂行走甚速緊追三日僅能追獲落後散賊七十餘名訊知賊分兩股一竄通江一竄巴州均約在烏林垭地方會齊欲由南江

竄回陝境阿哈保薛大烈等恐賊入陝卽連夜帶兵繞道由姚家壩一路直至烏林埡扼其竄陝之路又據劉清稟報探知賊在碑灣寺地方被官兵剿敗竄近巴州劉清卽挑帶義勇二百名前往堵截於二十一日三更至恩陽河正值賊衆屯聚當令前從賊隊投出之八品軍功楊仕山等乘夜直撲賊營該匪不知虛實疑係大

兵到來卽紛紛亂竄劉清卽帶義勇追殺二十餘里殺斃賊匪一百二十名生擒並投出何永泰等五十四名搶獲賊旗刀矛一百餘件馬牛三十五頭匹賊衆竄遁通江旋接七十五來信帶兵至太平境內探知辛聰陳朝觀等逆鑽入八臺山老林正擬進剿之次適准臣香會始知樊人傑等由寧羌竄入廣元恐其竄越嘉陵

江必須先其所急卽帶兵轉回竹峪關直趨通
江二十三日至龍溪探知賊向草石壩奔竄而
來卽於三更發兵迎截至獅子嶺地方賊本不
知此路又有兵至一見官兵疑爲鄉勇正在山
梁糾聚吶喊七十五分兵三路進攻該匪等公
然拒敵我兵連撲數次見有騎馬一賊往來督
陣凡有退後戰手卽用矛戳死實屬可惡經侍

衛武隆阿總管傅森額等帶領馬隊直前衝入
將督陣之賊亂箭射死賊衆奔潰我兵乘勝長
驅並遇通江縣知縣徐廷鈺率領丁勇由蕭家
河前來迎截七十五督兵於華尖山蕭家河黑
窩馬家寨等處殲斃賊匪六百餘名生擒賊目
邱添富並餘匪二百二十七名搶獲賊旗四十
七桿刀矛七百餘件騾馬牛一百三十五頭匹

卽令現獲各賊於殺死賊屍內認出首逆王士
虎實被亂箭射死又僞總兵周一洪屍軀均卽
割取首級並將活賊陳應純等四名解至臣軍
營驗訊其餘擒獲各賊均經七十五訊明分別
辦理又據阿哈保薛大烈稟報二十六日申刻
至姚家壩甫經紮營正值樊人傑等自通江剿
敗竄來前隊探有官兵立時折竄當卽連夜帶

兵追逐緣賊匪大隊皆由南奔僅趕及賊尾殲斃八十餘名生擒胡爲彬等四十一名餘向巴州青崗渡一帶奔逸均未令竄入陝疆阿哈保等現由板廟場一路兜截並知會七十五由江口一路進發以期兩面夾擊一鼓殲除旋據兩路解到活賊陳應純等並王士虎等首級前來當據逐一供認屬實并令前從賊隊投出之苟

文耀等隔別辨認咸稱確切無疑伏念此股賊
匪自陝省竄來本有四五千之衆先因無兵追
截勢甚披猖自碑灣寺將徐萬富殲斃不令其
搶渡嘉陵江卽欲折回陝境及抵通江不意七
十五之兵驟至又將王士虎射死餘逆奔向南
江復經阿哈保等一路官兵截殺折竄東南未
令入陝旬日之內仰仗

天威兩殲渠逆事機極爲順利且匪衆已斬獲過半
僅存一千餘名敗殘已極現經兩路官兵兜圍
追擊諒樊人傑冉添士等罪惡貫盈自不致再
稽顯戮至嘉陵江爲川西門戶自廣元以至合
州綿亘二千餘里臣現於保寧一帶親加查察
並於上下游派員確查當此水枯灘淺在在可
虞前安兵勇本覺稍單然此時實無官兵可以

添撥現與總兵張志林許文謨悉心商榷祇可
多設鎗礮添募鄉勇暫時安設於川西津貼項
下支用雇價亦屬以公濟公俟三四月間江水
漲發再行酌量裁撤自廣元至南部爲一段蓬
州至合州爲一段卽令張志林許文謨分段管
理所有此內兵勇全歸該二鎮統領調遣仍會
同該管道府及委員並地方官隨時梭織巡防

於空閒之時卽令兵勇挑挖淺灘操演鎗礮該
二鎮各帶游兵數百名何處有警卽赴何處隨
賊趨向往來堵禦以現在情形而論較前更爲
嚴密可以放心

臣

將江防布置妥當卽起身趕

赴前敵督率剿辦現據探報劉朝選湯思蛟辛
聰顏勝可魏棒棒陳朝觀李炳等逆均已竄出
老林在太平開縣雲陽境內竄聚前派總兵託

雲秦出山追剿未免賊衆兵單難以深恃刻下
又當以川東爲重幸前敵兩路官兵追賊亦漸
有東向之勢如果能將樊逆等卽在川北境內
全數蕩平誠爲至幸設或未能立時辦竣

臣卽

當酌量緩急擬領一路兵力馳赴雲開督剿幸
聰等大夥賊匪更可兼顧川東腹地不致蔓延
勒保又奏言竊查去年三月間賊匪由王家嘴

竄渡潼河緣建昌道劉清係總巡之員奉

旨革職都司睦隆安署射洪縣符元魁一併革職留

於軍營効力贖罪嗣經臣查明劉清因太和鎮

一帶淺灘要隘鄉勇難恃稟請魁倫欲留貴州

新到兵丁未經批准賊卽由該處躡淺過河欽

奉

上諭劉清先能見到其咎尙有可原且伊平日居官

能得民心著加恩以知縣補用如此後仍能奮勉
出力著勒保據實保奏等因欽此

臣

查王家嘴係

在太和鎮上游古井口之上先派叅將張績帶

兵防守嗣經魁倫將張績之兵撤回祇存團勇

一百餘名並未另派官兵責成專管以致失事

彼時若不將王家嘴防兵撤去或能照劉清所

稟將新到黔兵暫留防禦賊匪斷難過河不特

劉清無過卽派防文武及地方各官亦不致同

罹重咎

臣

前奉

諭旨飭查會將一切情形據實覆奏因發令之始又恐地方文武稍有效尤不得不將派管太和鎮之遊擊王之鑑通判連彭年請

旨治罪並將劉清等革職留管効力其實王家嘴尙非王之鑑等所管段落總因魁倫撤去王家嘴

防兵之後並未派人專管又不照劉清所稟留
兵防禦之故是賊竄潼河本非劉清等之咎且
查劉清平日辦事能耐勞苦操守更極清廉自
去年五月至今委辦保寧一路堅壁清野及招
撫被脅難民等事團練俱能用命難民亦各得
所近又屢次帶領鄉勇打仗得勝更加奮勉
臣
前此本擬遵

旨將該員先補知縣再行保奏緣現委督辦之事係
與總理道府無異一補知縣實缺職分較小恐
其呼應不靈因此尚未補用又知縣符元魁本
係防守城池相距王家嘴甚遠平日亦深得民
心都司睦隆安本在太和鎮下游打鼓灘一帶
駐防王家嘴非其管轄尤與無涉均經臣查明
具

奏有案茲白革職効力以來歷委該二員在川東
一帶修築民寨均能策勵團勇實力巡防奮勉
巴結與劉清事同一例合無仰懇

聖慈將已革道員劉清知縣符元魁都司睦隆安可
否一體開復抑或量加擢用之處出自

皇上天恩如蒙

俞允查劉清本蒙

賞戴花翎如一併給還未免過優應請毋庸給還花翎睦隆安有騎都尉世職應否照例給還之處
伏候

聖裁奏入

上命軍機大臣傳諭勒保曰勒保奏連日官兵打仗得勝並籌辦防江各事宜所辦俱好藍黃白三號匪衆前由陝省竄入川境爲數甚多自碑灣寺將

徐萬富殲斃殺賊二千餘人不令其搶渡嘉陵江
賊匪遂向土門鋪賽金場等處奔逃阿哈保薛大
烈等恐其入陝卽連夜帶兵繞道堵截而劉清於
賊匪竄近巴州時挑帶義勇直撲賊營該匪疑係
官兵紛紛竄遁通江而七十五適帶兵到彼探明
賊蹤連夜發兵迎截賊匪不知此路又有官兵轉
疑爲鄉勇致被官兵痛加殲戮侍衛武隆阿總兵

傅森額等帶領馬隊直前衝入將督陣之首逆王士虎亂箭射死並射斃偽總兵周一洪擒斬賊匪一千餘名甚屬奮勇七十五武隆阿傅森額俱著交部議敘其餘出力人員著勒保查明具奏現在川北賊匪止行樊人傑冉添泗一股僅存一千餘名勢甚窮蹙阿哈保等現帶兵兜截並知會七十五兩面夾擊定可一鼓殲除而川東劉朝遠湯思

蛟辛聰顏勝可魏棒棒陳朝觀李炳各股賊匪均
已竄出老林在太平雲開境內遊奕祇有托雲泰
一人出山追剿未免賊衆兵單目下情形又以川
東爲重此旨到時勒保若將樊逆等悉數殲除肅
清川北應酌留兵力嚴堵邊界以防龍苟等逆由
陝竄入其大隊官兵俱應齊赴川東以期尅日剿
盡劉朝選等各股賊匪倘樊逆等未能卽時辦竣

勒保自應留於川北剿辦其雲開一帶卽著七十
五帶兵前往較爲得力七十五本在川東剿賊於
該處路徑素爲熟悉現又連得勝仗軍聲大振應
將劉朝選等按名悉數殄除肅清川東並可防遏
楚賊倘徐添德一股因楚省追剿緊急由大寧竄
入七十五卽可就近剿辦至籌辦防江事宜據稱
自廣元至南部爲一段蓬州至合州爲一段令張

志林許文謨分段管理乃會同該管道府等校緝
巡防所辦尙爲周密但嘉陵江上游重慶石板沱
一帶亦應一體防範不可稍有疎虞

同日

上諭內閣曰劉清前在建昌道任內派伊總巡江岸
上年三月間賊匪由王家嘴竄渡潼河未能攔截
劉清若係專管之員必當從重治罪緣伊係總巡

又因太和鎮一帶淺灘要隘鄉勇難恃曾經稟請
魁倫酌留貴州新到兵丁在彼防禦魁倫未能允
准又將王家嘴防守之兵裁撤以致賊匪乘間竄
入是潼河疎防實係魁倫撤去兵勇之故前曾降
旨將劉清革職加恩以知縣補用並准留營効力
以觀後效今劉清辦理保寧一路堅壁清野及招
撫團練等事俱能認真出力節次帶領鄉勇打仗

亦屬奮勉現據勒保奏賊匪竄近巴州之恩賜河
地方劉清挑帶義勇二百名乘夜攻撲追殺二十
餘里共殲斃賊匪及活擒投出者一百七十八名
尙爲奮勇且平日操守清廉官聲甚好劉清著加
恩賞還道員在川候補不必賞戴花翎知縣符元
魁旣經查明本係防守城池距王家嘴較遠平日
亦尙得民心著加恩賞還知縣都司睦隆安本在

太和鎮一帶駐防王家嘴非伊管轄著加恩賞還
都司所有騎都尉世職一併照例給還該員等究
係獲咎之人若遽全行開復未免過優劉清符元
魁睦隆安俱仍帶革職留任俟四年無過再行開
復

同日陸有仁奏言竊

臣

連日接據探報高二殘

匪一股經德楞泰於山陽一帶節次截殺後逃

竄至鎮安野豬坪復經德楞泰督同賽冲阿等
帶兵趕到殺獲甚多並將逆首高二擒斬餘匪
無多向孝義東西川一帶老林四散逃竄德楞
泰現在分兵各路搜洗即可移師剿辦另股又
高二馬五等逆因提督楊遇春等追剿緊急分
股奔竄現已逸至盤匡郭縣所屬之田峪景峪
辛峪澇峪一帶窺伺峪口臬司王文湧文需糧

道素訥督率所帶壯勇並鼓勵民間團勇分投
往來堵截賊知有備不敢竄出平原現向郿縣
岐山山內逃竄其伍逆等零股亦在盩厔一帶
山內分合無定經畧額勒登保移兵至五郎河
一帶居中督剿督臣長麟已由江口寇家關方
柴關等處探蹤兜截又龍紹周苟文明等股賊
匪經喜明溫承惠等截剿後賊匪分爲數路總

在平利洵陽白河一帶奔竄喜明等現在相機

進剿各等情

臣

查核所報情形德楞泰所剿之

賊首逆已除僅存賊目閆慎高及餘匪二三百

名竄入老林潛匿德楞泰分兵搜洗

臣

復嚴飭

各地方官督率卡隘鄉勇上緊截拏卽日可期

淨盡德楞泰移帶勝兵協同經畧剿辦高馬等

股賊匪更可速就殲除江北一經肅清移師剿

辦江南之龍苟等逆成功自必迅速所有各路

糧餉

臣

飛飭源源運供不敢稍有缺悞其德楞

泰等軍營投出難民俱經確切訊明分別妥爲

安插不致失所此次賊匪竄過山陽商州等處

因官兵追剿緊急並到處有鄉勇預防不能肆

行蹂躪所有暫時避入城內民人均經地方官

酌給口食普爲接濟賊退旋各還家毋庸另行

議卹現惟興安府各屬情形稍重已令查照歷
年所辦成例妥爲撫卹以仰副

聖主軫念民生不使一夫失所之至意再臣接據洵

陽縣知縣薩玉衡稟報賊匪一股由該縣晒淺

過江臣當卽據情奏報乃昨接叅贊德楞泰咨

到奏稿據賊首龔如一供稱此股賊匪竟係在

該縣大棕溪地方假充官兵騙船渡過等因臣

接閱之下不勝駭異叅贊係訊明賊首供詞且
近在該處自屬確鑿當此軍務緊要之時該縣
既未先期收淨船隻復敢捏詞稟報非嚴加懲
辦無以示儆應請

旨將洵陽縣知縣薩玉衡革職

臣

已札委現在興安

一帶團勇結寨之候補道李嗣先將該員頂戴
摘去卽就近提齊該處船戶水手人等嚴審前

大賊匪係騙得何項船隻渡江情形以憑定擬
具奏一面委員前往署理查該參員經手倉庫
錢糧有無未清另行核辦所遺洵陽縣員缺係
賊匪屢次往來之地一切防堵撫卹事宜緊要
容另據員請補再臣前據安康縣趙廷麒稟報
高三馬五大股賊匪於十二月十八日三更時
在該縣距城一百三十里之五塊石地方踴淺

蜂擁過江該處防守壯勇二百名施放鎗礮擊斃賊匪五六人賊亦施放鎗礮傷斃壯勇劉萬順等十餘人因衆寡不敵致被竄逸等語今

臣

風聞此股賊匪係在南岸乘夜紮筏渡江與該縣所稟情形不符亦當切實根究

臣

現已密委

妥員前往確查實在情形另行據實奏明辦理

奏入

上命軍機大臣傳諭陸有仁曰陸有仁奏探報各路
剿賊情形俱係額勒登保德楞泰等奏過之事所
稱各路糧餉不敢稍有缺悞一節陸有仁係以本
省巡撫總司糧餉此時額勒登保等在漢江北岸
剿辦高馬等逆德楞泰移師漢南督剿龍苟等股
各路軍火糧運均關緊要節次所發陝省餉銀極
爲充裕該撫惟當督率局員及地方官妥爲經理

務須確探軍營源源運往不可稍有缺乏又奏
疎防捏稟之知縣薩玉衡請旨革職並查明前此
高三馬五係在南岸乘夜紮筏渡江與趙廷麒前
稟不符現已密查辦理一節陸有仁並不稍存廻
護屬員之意據實叅出甚爲公當昨據額勒登保
查奏疎防江岸各員已降旨將薩玉衡革職將趙
廷麒降爲巡檢典史今旣據該撫查出趙廷麒尙

有捏稟情節自當研究確據實具奏俟奏到時
再行核辦

上又命軍機大臣傳諭額勒登保德楞泰曰額勒登
保於本月初三日奏報剿辦南山高馬伍冉等逆
情形總未接仗又閱七日德楞泰於上月二十七
日奏報殲斃首逆高二後迄今又閱十二日均尙
未續有奏報朕心日深懸切茲據陸有仁奏高二

馬五等逆因團勇往來堵截不敢竄出平原向柳
縣山內逃竄其伍逆零股亦在蓋鄆一帶山內分
合無定經畧額勒登保帶兵督剿德楞泰所辦高
二餘匪祇有二三百名已分兵搜剿德楞泰會同
經畧剿辦高馬等股一經肅清卽剿辦南岸龍苟
各逆等語額勒登保德楞泰會合一處剿捕江北
高馬等逆在伊二人原欲并力同心將各股辦完

然後移師南岸再辦龍苟等逆但高馬等股爲數
無多額勒登保在彼居中調度並有楊遇春及穆
克登布等提鎮多人帶兵剿辦其高二餘匪亦卽
交經畧派員接剿足資搜捕豈有經畧叅贊兩路
重兵同辦江北敗竄餘匪而置漢南於不問乎此
時龍苟等逆雖有喜明等帶兵堵截究恐兵力稍
單是以前曾降旨令德楞泰侯有人接辦高二股

匪卽赴漢南督剿德楞泰應卽遵照前旨移師前
往將龍苟等逆上緊截剿由東北逼向西南勿令
偷渡漢江北岸亦勿令竄入楚境若楚省徐添德
一股被剿緊急德楞泰並可迎頭擊截肅清漢南
卽所以幫助楚北也本日又據勒保奏報七十五
一路將首逆王士虎殲斃擒斬一千餘人川北將
次廓清現在分兵前往川東剿殺竄匪可期迅速

完竣惟陝省賊匪尙在紛竄朕之初意本望額勒
登保等於朕釋服以前蒞績來京隨侍恭謁

裕陵敬告成功今朕於三月二十五日由京啟鑾二十
九日詣

陵釋服爲期已近而各路軍營尙在分投剿捕卽日前
將各首逆上緊辦竣而善後事宜亦須次第經理
額勒登保德楞泰等春間自不克到京但必須將

大股賊衆於三月釋服以前一律辦竣其零星餘
匪仍上緊搜緝勿令延至夏令青苗在地時賊匪
得以掠食又可苟延殘喘若額勒登保等能於三
四月內將軍務全行辦竣料理善後一切妥協奏
凱回京俟九月內隨朕恭詣

裕陵告慰

皇考在天之靈實所殷盼切勿再有遲延爲要

初十日

丙辰

書麟倭什布長齡奏言

臣

等前於竹

山燕子溝麻家渡潘口等處分道馳擊徐添德
股匪二十六日早間探聞徐逆剿敗之後分爲
兩股由竹山北面之大小文峪河吉陽關等處
連夜狂奔有入鄖縣之勢並據竹谿縣文武稟
報川匪苟文明李彬二逆在陝省會合由平利
曾家壩翻越老林竄至竹谿花園一帶直趨竹

山南鄉之官渡泥灣等處人數甚衆等情

臣等

查楚省官兵本屬無多以之剿辦徐逆大股之

賊尙可敷用今苟李二逆乘間闖入直前東奔

似未便顧此遺彼

臣

等再四熟商惟有分兵抄

截努力剿辦

臣

長齡會同明亮分帶馬步官兵

由竹山東南之化口一帶倍道前進趕赴房竹

交界之陳家鋪秦口等處以遏苟李等賊

臣書

麟俊什布率同孫清元吉林泰分帶馬步官兵
自保豐拔營由吉陽關抄截徐逆賊匪

臣

長齡

會同明亮於二十七日馳抵房縣之化龍堰探

聞苟李二逆由秦口至獅子巖一帶散漫屯聚

而賊匪探馬在四路七八十里內外放火燒房

似有東竄之勢

臣

長齡當同明亮傳知各營四

更造飯五更發兵該匪屯聚處所四面皆山西

南逼近老林路徑極爲叢雜必得四路進兵出其不意黎明行抵上道河擒獲哨探賊匪徐魁等訊稱老營尙在獅子巖今日要拔營往房縣去遣我們先來探路等語當卽飛飭馬步官兵上緊進發遙望獅子巖賊匪蜂屯蟻聚旗幟密布我兵分爲四路如墻競進鎗箭齊發立斃賊匪三百餘名我兵乘勢衝擊賊卽分爲三股一

由右手山梁一由中路爬山亂竄又有一股衝入溝內向西狂奔察看情形其中路翻山一股旗幟甚多由右手上山一股驟馬尤衆料首逆必在其內臣長齡卽率侍衛雙福花尙保總管都當阿協領徹布登和隆武觀成等帶領馬隊並叅將海興遊擊承祿守備巴圖魯馬濟盛等帶領兩粵官兵由右手山梁飛馳追殺明亮督

率巴圖魯侍衛富翰塔津保恒崑希呂阿等帶
領馬隊並副將王懋賞叅將黃定選帶領山東
官兵由中路跟蹤直上並派叅將常羣遊擊賓
泗起都司王占鰲姜元祥守備陳應彪陳明千
總楊永順張大勲等帶河南雲貴官兵分爲兩
路由趙家坡一帶抄截溝內之賊臣長齡與明
亮督率兩路官兵盛力追擊賊匪擁擠狂奔鎗

箭所及應聲而倒者不計其數及至山坳而右手賊匪與中路之賊合成大隊憑高下壓其山頂賊匪吶喊搖旗滾打擗石情形尤爲兇悍鄉勇首領九品職員徐明道奮勇撲上身受矛傷數處立時身死臣長齡與明亮分爲兩翼親率官兵仰攻直上撲壓三次我兵奮勇爭先其首領黃興隆把總麻光裕帶領鄉勇在前迎敵黃

興隆首先搶上胸帶石傷猶復衝開賊隊馬步官兵一擁而上隨卽佔住山梁鎗擊箭射刀砍矛戳斃賊二百餘名該匪抵敵不住翻山遁逃我兵乘勝下壓山後左手係屬懸崖陡壁賊匪情急攀援而下滾跌死者不計其數山右本多寨硎居民放礮助擊賊勢愈慌追殺三十餘里復斃賊二百餘名斬獲首級七十八顆生擒男

婦四百八十四名口搶獲騾馬二百餘頭匹刀
矛旗幟八十餘件其叅將海興遊擊胥泗起等
由趙家坡折剿之賊適從溝內翻出逃竄正與
兩路官兵相遇迎頭截住前後夾擊共斃賊一
百餘名生擒一百八十二名搶獲刀矛旗幟騾
馬甚多餘匪潰散均向西南羊义河一帶山內
亂竄官兵窮半夜一日之力只可暫令紮住提

訊獲賊供稱係白號苟文明藍號元帥李彬合夥並青號徐添德股內竄來一百餘人共有五六千人今年正月二十三日從陝西平利縣會家壩翻越老林到竹谿花園等處過來今日要到房縣搶掠就往保康襄陽不料遇見官兵打敗我們總兵卜興昂被鳥鎗打死他們就翻山逃去等語隨令將偽總兵卜興昂屍身找出並

據指出割獻首級內有偽先鋒魏鍾鈞首級一
顆復令所獲各賊隔別指認衆供僉同其臨陣
擒獲賊匪五百十八名內有朱振隴等一百五
十二名訊係積年真賊卽行正法其餘男婦三
百六十八名口供係被裹之人當卽發交房縣
知縣李維本再行覆訊明確分別咨送安插

臣

書麟等探知徐添德張允壽在門神坡放馬溝

等處分屯滋擾因思我兵若徒事尾追必致趨
入鄖縣鮑家店該處相離漢江甚近刻下水勢
枯涸節節俱有淺灘萬一偷渡所關甚重當派
孫清元率同叅將馬德舒遊擊拉里毛秉剛守
備郭朝明羅綸並軍功首領黃富元鄭光明等
帶領兵勇繞由北星河抄出賊前迎頭截剿

臣

書麟倭什布督令副將吉林泰侍衛定柱總管

託爾託保等帶領馬步官兵從後夾擊該匪正
在造飯見官兵猝至遽形慌亂我兵鎗箭齊發
乘勢衝殺當卽斃賊一百餘名賊匪一面分投
抗拒一面保護婦女幼孩翻越東面山梁且戰
且走我兵奮力追殺沿途復有殲斃生擒賊目
劉大貴及王昌等五十八名當時散出被裹大
小男婦一千餘名口該匪等分爲數股由蕭家

溝玉河等處亡命狂奔向房縣之磬口板橋一帶竄去時已昏暮未便窮追卽於該處駐紮隨提劉大貴查訊據供係四川人在徐添德營充當矛手頭目殺過多人其王昌等五十八人內施正江卜元倫等十八人訊係被裹良民當同散出之一千餘人交隨管知府周季堂等逐一訊明分別資送回籍妥爲安插其餘王昌等四

十名從賊已久且曾放火殺人俱各正法所有
此次打仗兵勇間有傷亡容俟查明各部辦理
其奮勇打仗之將備兵勇_臣等擇其出力最著
者核實查明與前次奉

旨飭查應保各員一併續行奏請

聖恩鼓勵

_臣

等當卽分派孫清元吉林泰等帶領馬

步兵勇卽由羊义河上倉一帶擊剿苟李逆匪

務期卽日蕩除其徐添德一股現竄板橋大木
廠一帶恐由花果園向東奔竄

臣

長齡明亮現

復帶領馬步官兵倍道抄赴前途迎頭兜截不
使闌入均穀境內

臣

書麟酌帶兵勇在於房竹

一帶往來策應嚴密兜擒以冀仰慰

聖懷垂厪奏入

上命軍機大臣傳諭書麟倭什布長齡曰川匪苟文

明李彬二逆由陝西平利縣翻越老林欲竄往房
縣搶掠長齡會同明亮分帶馬步官兵倍道前進
在獅子巖地方遇見賊匪乘勢衝擊賊匪分股奔
竄復經官兵儘力追擊共斃賊匪一千餘名並殲
斃偽總兵卜興昂偽先鋒魏鍾鈞等不使東竄所
辦甚好長齡明亮俱著交部議敘以示獎勵其帶
領鄉勇在前迎敵之首領黃興隆把總麻光裕俱

屬出力黃興隆著加恩賞給把總麻光裕著加恩
賞給千總遇缺卽補俾益加鼓勵書麟倭什布抄
截徐添德一股探知該逆在門神坡等處分屯滋
擾卽派兵繞由北星河抄出賊前迎頭截剿書麟
等帶兵從後夾擊斃賊一百餘名生擒賊目劉大
貴等並有散出被裹男婦一千餘名口尤爲最好
機會賊匪黨夥中多有被裹民人若官兵所到標

行殲戮深有不忍今被裹男婦紛紛散出至一千餘人之多多一民卽少一賊剿捕更易得力惟此等散出民人書牒雖已交知府周季堂妥爲安插但人數較多必須一一查明安置得所方足以示招徠而解賊黨若辦理草率散出民人仍至無衣無食不能謀生勢必又去而從賊且此等愚民轉相傳述以曾經投出者不過免其一死地方官並

不能安爲收卹仍至衣食不周則賊黨聞知豈肯
相率投出適以堅其從賊之心於事殊有關係現
據姜晟奏江漢二邑多有無業流民結隊求乞已
降旨令倭什布速行查明妥爲賑濟況散出難民
尤非失業流民可比書麟務須督飭地方官等實
力詳查分別資送回籍令其口食有資棲止得所
不可僅以一奏了事保民散賊勝於誅戮地方官

如果真心招撫愛民如子未有不願歸來者至苟
李二逆由平利竄入楚境究因楚省防範不力所
致本有應得之咎今姑念此股竄匪業經擊退不
致直前東竄不加深責斷不可再有疎失慎之現
在長齡明亮因恐徐添德一股由花果園向東奔
竄已帶兵抄赴前途迎頭兜截固屬相機辦理但
苟李二逆向西南羊叉河一帶山內逃竄雖已派

孫清元等帶兵追擊究不可恃倘長齡等截剿徐添德專顧東面苟李二逆或又乘間竄回並恐龍紹周一股或見楚省邊界空虛亦思接續竄入楚境均未可定書麟等務須熟籌兼顧將各股賊匪逼向西趨並杜其竄往均穀之路而龍紹周一股亦不令乘虛竄入方爲妥善所有此次長齡等一路打仗受傷身死之鄉勇首領九品職員徐明道

著咨部照把總例賜卹

欽定剿平三省邪匪方略正編卷二百三十七

辛酉年

二月十一日丁巳長麟奏言查高三馬五等賊夥

白翻過西老君嶺後分作兩股先後由青岡嶺

殷家坪等處北竄此一帶處處老林山狹路窄

雪深冰厚凜滑不能容足楊遇春從後緊追沿

途見溝壑中跌斃賊匪及騾馬甚多並有於林

中凍餒自縊者楊遇春正在緊躡追剿間二十

四日黎明探聞賊匪有一股由謝世審繞路折
回楊遇春料係該匪計圖抄襲我兵後路一面
派兵仍緊追大股竄匪一面自帶兵勇埋伏兩
旁山後潛蹤以待午刻該匪果由後路官程子
地方竄來我兵俟其竄近突出截殺賊匪見有
埋伏迅卽折向原路捨命奔逃楊遇春率兵追
過兩重老林沿途擒殺數十人因限於地勢未

能痛剿該匪卽由泥峪一帶尋前股賊蹤竄去
楊遇春卽趕緊向斜峪關追剿前進二十八日
途次忽有後路瓦廟灘居民趕來訴稱前竄泥
峪後股賊匪尙在嚴家溝老林藏匿昨夜官兵
過後賊匪復竄出瓦廟灘摸樁我等不及隄防
被賊裹去之人甚多等語復據探役回報相同
楊遇春格布舍卽由斜峪關折回截剿至中立

坪地方恰與賊遇我兵奮力衝殺立斃賊匪五
六十名擒獲執旗頭目葉連高生擒矛手何成
仁等十三名將附近被裹難民顏世福等八十
九人全行救出餘匪不過三百餘人復向後山
寺小嶺子一帶逃遁訊據活賊何成仁等供稱
均係高家營夥黨高元帥派我等在後路牽綴
官兵使官兵不能緊追前股便得遠竄不料又

被擒殺多人等語當將該匪等全行正法楊遇
春因慮前股賊匪去遠日因高三馬五均在前
股之內未便因小股餘匪受其牽綴當卽札催
臬司王文湧派撥鄉勇入山搜剿楊遇春等仍
由斜峪關鸚哥嘴一帶追躡前股賊蹤進發彼
時前股賊匪已於二十三等日竄至盤屋屬
之辛口峪西駱峪以內窺伺平原經臬司王文

湧文需糧道素訥督同該縣分領本處民勇趕赴各峪口施放鎗礮轟擊賊匪未敢竄出卽由山內邊崖向西奔竄二十六日竄至桃號二川交界之唐口子地方距棧道不遠正欲由黃牛鋪草涼驛等處竄出棧道適臣帶兵由寇家關車道河一帶連夜冒雪翻過秦嶺亦於二十六日趕至棧道內之東河橋地方係在賊匪之前

臣

正在探蹤截剿間詎賊匪狡猾異常探知校

內已有官兵不敢向西奔逸卽仍由大山內之

大小罐子太白河一帶向西奔竄查大小罐子

太白河等處可通棧道之路甚多且溝岔紛歧

我兵由此路進山賊匪卽可由彼路逸出西竄

甘省是以

臣

一面偵探賊蹤一面卽由棧道以

內顧住西面自北向南兜截該匪竄至留壩江

口又欲西竄三岔廢邱關一帶棧道

臣

卽由鳳

縣趕至三岔等處攔截該匪聞風又連夜由牛

尾河翻山折竄東面華陽一路查華陽以東現

有額勒登保德楞泰等各路大兵該匪必不敢

肆行東竄若由華陽以西走鐵冶河翻五道梁

出馬道大路入武關西溝仍可由鐵爐川北奔

甘省

臣

料知該匪必係誘令我兵趕赴東面追

剿校內空虛該匪乘隙折向西北狂奔我兵卽落其後勢必無兵截攔該匪卽可闖入甘省

臣

恐致墮其奸計當卽兼程仍由棧道自北向南

兜截初二日趕至廟臺子探聞該匪果由馬道

竄入武關西溝該處西北可由鐵爐川直趨兩

當徽縣正北可由茱子嶺入陳倉溝東北可出

留壩均係竄往甘省之路

臣

當卽四路分兵派

令副將蕭福祿等帶領兵勇趕赴鐵爐川截剿
叅將張應魁等帶領兵勇趕赴菜子嶺截剿

臣

自帶兵勇趕赴留壩截剿並恐該匪被剿情急
或由原路竄回西溝馬道折入南山則連日堵
剿之功卽致盡棄當將楊遇春所留馬隊及

臣

本營馬隊全數派在西溝截堵初三日賊匪先
後向鐵爐川一路奔竄該處均係老林蕭福祿

等當將兵勇埋伏林內候至辰刻允有騎馬賊
探四人前來當卽派撥兵勇出林先將賊探拏
獲殺斃料知賊匪不能得信兵勇仍在林內埋
伏少頃遙見賊匪絡繹竄來將近林邊我兵突
起出林撲殺賊匪登時潰亂折奔溝內兵勇奮
力擊壓鎗礮並施立斃賊匪一百餘人該匪情急
拋棄騾馬衣物翻上對面大山竄入老林山勢

陡峻兼有溜冰賊匪自林內向下滾石我兵用
鎗礮向林內仰擊自辰至未賊匪恃險不動我
兵自初二日由三岔起身趕至鐵爐川已經奔
走百五六十里直至三更始能趕到又於黎明
卽在林內埋伏出林轟擊自辰至未實已俱形
疲乏副將蕭福祿因見天色將晚萬分焦急當
卽高聲傳諭爾等兵勇近日履蒙

皇上天恩優加賞賚汝等此時不思圖報豈復尙有
天良今日若不捨命搶入老林竭力剿殺斷不
能撤兵回營遊擊劉滿貴聞令卽率領五品軍
功吳順劉振川白映斗六品軍功曹彪督催鄉
勇由左手撲上遊擊馬忠宋鉞亦卽帶領官兵
由右手撲上其餘兵勇見兩支兵勇先行搶上
亦卽一擁齊登賊匪站立不住紛紛逃竄出林

兵勇奮力趕殺追過兩重老林刀砍矛戳又殲
斃賊匪三百餘人生擒二百餘名搶獲騾馬牛
羊二百餘頭匹及旗幟器械甚多逃出被裹雜
民約有四五百人餘匪均向黑河一帶逃逸時
已初更前路更屬險窄兵勇暫於山頂紮住隨
將擒獲活賊正法其逃出難民給予路票盤費
省釋適楊遇春等自中立坪截剿後路賊匪後

連夜兼程追躡前股賊蹤趕來

臣

現與楊遇春

分投相機截擊倘能仰仗

天威再於數日內接一勝仗即可將此股賊匪全數

剿滅至冉伍等股賊匪總在老林內藏匿現在

穆克登布由甘家壩八斗坪一帶進剿額勒登

保亦進至紅崖山緊扼東面將該匪等一經轟

出老林即可迅期得手又高二等一股賊匪自

德楞泰在山陽乾溝磨溝等處痛剿後餘匪卽
由採玉窰西奔德楞泰於前月十九日追至鎮
安野豬坪雲蓋寺等處又復痛加剿殺斬獲生
擒甚多並將首逆高二用箭射斃所剩餘匪不
過三百餘名日內卽可全數剿滅淨盡

長麟又奏言竊查高二及高三馬五等兩股賊
匪先後偷渡漢江北竄欽奉

諭旨飭交額勒登保將疎防各員查明叅奏經額
勒登保查明將洵陽縣知縣薩玉衡安康縣知
縣趙廷麒及該管興安府知府周光裕等擬以
分別降革專摺叅奏臣身任封圻凡有州縣疎
防之處皆臣督率無方之所致應請

旨將臣交部嚴加議處均奏入

上命軍機大臣傳諭長麟曰此次楊遇春先將高三

馬五後股賊匪奮力追剿擒戮多人餘匪不過三四百人令王文湧派撥鄉勇入山搜捕楊遇春等因高三馬五在前股賊匪內仍由斜峪關等處追躡長麟亦帶兵繞出賊前攔截并料及賊匪奸計必思竄入甘境復分投堵剿旣未令高馬二逆竄出峪口平原又截其由棧入甘之路前後殲擒賊匪七八百人所辦俱好甚屬可嘉蕭福祿著交部

議敘遊擊劉滿貴馬忠宋鉞五品軍功吳順劉振
川白映斗六品軍功曹彪等應如何加恩之處著
長麟分別保奏再降諭旨此時高三馬五勢更窮
蹙長麟現與楊遇春相機截擊若能將此股賊匪
卽在江北全數剿滅其功甚大必當錫爵酬勲倘
或一時未能殲淨現在賊匪旣不能由棧入甘又
不能竄出平原而東面又有經畧等重兵料二逆

無路逃生長麟應趁其竄近漢江北岸上游乘勢
逼過南岸昨已令德楞泰移兵漢南長麟更可與
之兩面夾擊一鼓殲除也高馬二逆罪不容誅必
應正法以伸朕之深憤是以懸賞設法查拏或殺
或擒不可冒功邀恩必須核實具奏至所稱逃出
難民給予路票盤費一節現當功屆垂成之際其
被賊裹脅難民必當安置得所方足以示招徠而

解賊黨若散出後仍復無衣無食不能謀生難保其不去而從賊長麟不可徒託空言務須督飭地方官妥協經理俾其口食有資棲止得所勿稍存惜費之見又據奏自請交部嚴議一節前此高馬等逆由安康等處搶船偷渡漢江慶成係總司防堵江岸本有應得之罪因其距賊匪偷渡之處尙有七百餘里是以將慶成加恩寬免今長麟正在

帶兵剿賊且相距安康等處較慶成更遠慶成既
邀寬免豈轉將長麟交議乎從前魁倫在川督任
內將防堵嘉陵江兵勇率行裁撤以致賊匪乘間
偷渡蹂躪川西而魁倫又復畏葸逗遛自應加之
重罪此時長麟若能將高三馬五等逆寇期辦完
尙當立沛重恩豈止寬伊疎防之咎若不上緊剿
辦稽延時日獲戾滋重又不僅交部嚴議矣長麟

不可不倍加奮勉也

十四日

庚申

額勒登保德楞泰奏言查各股賊匪

被剿情急高三馬王廷詔股匪遁入南山偏

西冉學勝伍懷志股匪竄在南山偏東均未得

遠逸但非設法轟擊不能速行集事

臣

額勒登

保疊經嚴飭各將領等務須乘其攢聚之時一

鼓殄滅今楊遇春格布舍一路之兵由玳瑁河

西老君嶺緊躡高馬王等逆進剿該匪又有由
泥峪奔斜峪關之勢楊遇春等取道辛口峪攔
截適冉學勝分股之賊由范家臺奔辛口峪而
來楊遇春帶兵趕出斬獲數十人該匪仍折奔
黑河橋探得高馬王股匪翻越老林仍由辛口
峪欲竄平原楊遇春等仍由辛口峪截剿該匪
等未能北竄復又南折藏匿老林其冉學勝等

股匪由黑河東竄文溝田峪湧峪

臣

額勒登保

先派令穆克登布豐紳帶兵由甘家礮入斗坪

抄截

臣

額勒登保於二十六日由紅崖山至柴

家關一帶扼其東竄五郎要路并爲穆克登布

等策應而屢次差人四路查探各官兵均因山

深林密冰雪載途急切未見得手

臣

額勒登保

倍深焦憤遂一面留札克塔爾等帶領官兵於

柴家關暫駐杜賊旁竄

臣

額勒登保卽親率壯

健步隊兵勇擬過秦嶺由喳口石碾盤子而進

察看山勢並督令諸軍上緊剿洗詎我兵一入

深山風雪漸大懸崖陡壁冰凌積雪人馬偶一

失足卽墮入深澗將士備極艱苦適高二餘孽

數百人由漆扒溝竄近八斗坪經穆克登布等

冒雪趕追賊匪向西面溝坎無路之處攀援而

遁穆克登布豐紳及將領等徒步追剿該匪攔
集山巔推擲木石抵拒副將游棟雲遊擊傅廷
剛復挑帶兵勇兩路上山暗襲賊之左右並令
把總劉武上對面山頂用礮轟擊賊匪均潛匿
樹林中仍前抵拒綸布春及守備李廷珍把總
胡國安張占鰲等覓路搶上山巔連斃數賊穆
克登布等乘勢攻撲將賊壓下立斃賊匪百餘

人生擒僞先鋒羅鳳友探馬頭伍相符等七十
三名餘匪分散奔竄

臣

額勒登保得有信息卽

於二十八日督兵趕踰秦嶺先令藍翎六品軍

功馬懷珠帶領鄉勇十餘人踣路偵探因密林

山狹藏有伏賊突出全行殺害

臣

行至半嶺該

匪已由案板溝竄至王家河因下嶺艱於行走

追至小王澗始獲賊六人詢明實係高二股內

餘黨卽行正法餘匪已遁向虎豹河而去該匪等所以能在此山內往來出沒者本係人人亡命隨處墻越且查此一帶大山中有開墾種包穀之居民並有專事採取木植之人搭棚浮寓所攜糧食尙多可以擄掠存活官兵到去不能不有隊伍而賊匪得有險隘仍行抗拒否則上坡下坎到處潛匿以致兵力難施

臣正在躊躇

接臣德楞泰來信於二十八日趕抵江口因道

路險阻全軍不能入山卽於江口劄住遏賊東
竄派令賽冲阿溫春蒲尙佐等帶領步兵由八
里坪入山剿辦且因山內賊蹤奔突囑以無論
何股總以緊顧東北向西南轟擊賽冲阿溫春
等進抵兩郎東流水恰值伍逆股匪束竄隨帶
兵迎擊殺賊百餘人生擒黃正學等四十三名

該匪卽折竄西河老林

臣

額勒登保在小王洞

隨將所帶官兵交副將楊芳遊擊劉健標等

劄俟穆克登布等追賊西來相機夾擊

臣

於初

三日卽馳回柴家關約會

臣

德楞泰前來

一切

臣

德楞泰亦於是晚趕至會晤查得賊匪

高三馬五王廷詔冉學勝伍懷志及高二餘匪

被剿情急竄進南山不過暫行藏匿若以官兵

全力圍困不難集事

臣

等原擬趁此合兵之際

設法辦竣第恐遷延日久於大局無裨又接據

漢南文武稟報安康平利一帶龍紹周苟文明

唐明萬曾芝秀等股賊匪分股亂竄有逼近江

岸者有東趨楚境者且楚省徐添德一股日內

是否辦竣未經得信若龍苟等逆或竟再行入

楚勢必又致蔓延而樊人傑等匪竄入川境之

後頃接勒保來信業經我兵殲斃首逆徐萬富

斬戮甚多餘匪向巴州土門舖一帶逃竄雖經

勒保督率阿哈保薛大烈等帶兵趕剿仍緊顧

江岸而賊股既多

臣

等尙心懸兩地茲公同商

酌

臣

德楞泰刻卽帶領原兵徑赴安康一帶過

江督率喜明馬玉魁柯藩等將該處賊匪痛加

剿戮如能就近辦完實屬甚善否則由東北轟

向西南逼歸川境

臣

德楞泰亦卽緊跟入川將

川中各匪一併籌度剿辦

臣

德楞泰行抵漢南

倘龍苟等逆已入楚界現在楚省兵力稍單

臣

德楞泰必當星馳入楚兜剿又川省剿潰之賊

大半在川之東北一帶距陝之西鄉漸近慶成

近在西鄉將留防之兵大加整理聞已精銳

臣

額勒登保已札致慶成隨時躡探如遇賊匪竄

近卽會同胡定泰帶兵在川陝邊界盡力剿辦
不許賊匪深入西鄉紫陽至南山高馬股賊楊
遇春等現由斜峪方柴關向南趕剿長麟又移
師至車道河黃牛鋪等處杜其入甘之路臬司
王文湧文需帶有壯勇在北面各峪口外攔截
平原之路遊擊綽克圖通判雒昂帶兵勇在高
關夾嶺扼定東面穆克登布豐紳帶步隊兵勇

向西極力轟剿

臣

額勒登保暫紮柴家關查探

該匪竄向或被我兵追擊卽前往抄剿亦無難

尅日殲洗或過於耽延時日不值以大兵受其

牽綴

臣

額勒登保亦必將此一帶設法布置妥

協擇川陝楚三省適中之地相度形勢先其所

急隨宜辦理

臣

德楞泰亦卽帶領原兵起程趕

赴石泉一帶前進奏入

上命軍機大臣傳諭額勒登保德楞泰曰額勒登保
自前次奏報後已閱旬餘德楞泰亦閱半月有餘
朕宵旰焦厯刻難稍釋本日遞到奏摺朕以爲必
係將高馬冉伍等逆剿辦完竣大獲勝仗及加披
閱則仍係分剿南山各股賊匪情形並未接仗且
高馬冉伍等逆欲竄平原因遇官兵攔截俱折回
老林藏匿而額勒登保冒險入山踐履冰雪徒疲

兵力德楞泰於趕抵江口後亦因道路險阻在江口駐紮派兵入山剿辦似此爲賊牽綴以兩路勁旅在南山內輾轉奔逐豈不又如上年那彥成入山搜捕竄匪之事乎且賊匪詭計多端安知非因勁旅俱在額勒登保德楞泰兩路故於山內四處奔竄欲誘官兵分投追逐疲我兵力俟青苗在地又可竄出掠食並令漢南大股賊匪得以乘虛肆

擾此乃賊人奸計豈可墮其術中自貽罪戾汝二人竟見不及此任賊愚弄耽延時日所辦遲緩之至前此勒保在川曾因張子聰詐稱投降卽按兵不動相持日久致爲賊匪所愚額勒登保等寧不知之至那彥成深入南山遷延貽誤業經降革示懲又安可蹈其故轍耶額勒登保德楞泰俱著傳旨申飭幸伊二人尙能見及南山賊匪遷延日久

於大局無裨並恐漢南龍苟等逆分股亂竄逼近
江岸或又竄入楚境卽公同商酌令德楞泰帶領
原兵徑赴安康一帶過江督剿如不能就近剿淨
亦擬由東北犇向西南逼歸川境倘龍苟等逆已
入楚境德楞泰卽星馳入楚兜剿一切籌辦極是
特所見已屬遲緩耳前曾諭令德楞泰辦完高二
一股後卽取道廣元回川剿賊今德楞泰能不拘

泥朕旨定計先赴安康一帶將漢南賊匪相機擊
剿尙合機宜川省殲斃張士龍徐萬富後又將王
士虎殲斃賊勢已經潰散此時更無須德楞泰兼
顧惟當將龍苟等逆迅速殲除若能奏績成功朕
必立施厚賚勉之望之至額勒登保以南山賊匪
已派兵追擊於佈置妥協後亦擬入川陝楚三省
適中之地相度形勢隨宜策應固宜如此辦理但

高馬冉伍等逆屢經剿殺爲數無多而高二餘孽
本祇三百餘人現又殲斃百餘名是此股賊匪已
無足數且官兵追剿時該匪撥集山嶺僅能推擲
木石抗拒可見該匪器械全無窮蹙已極不值以
重兵搜捕轉爲牽綴額勒登保此時當酌量情形
若南山剿剩賊匪無多楊遇春長麟等帶兵搜捕
可以辦理完竣額勒登保亦當移師過江於漢南

地方擇要駐劄以便相機調度更爲得力現距釋服之期爲時無幾額勒登保等務須同心併力迅速籌辦於三月內將此股賊匪一律殲除斷不可仍前延緩予賊以暇若一交夏令彼時復將以雨水爲詞遲留不進又必辦理經年成何事體則額勒登保德楞泰均不能辭罪矣

同日楊揆奏言竊照德楞泰勒保前在安仁溪

一帶將齊國謨楊開第等逆殲斃之後適大寧
金竹坪有藍白兩號賊衆出沒遊奕當經勒保
帶兵由新開進發於白馬廟大蓋頂山等處痛
加剿洗殲擒甚多其前在安仁溪打散餘匪在
梁山柏林槽一帶潛匿經遊擊桂涵並各寨團
勇併力搜捕亦已淨盡惟川省邊界地方遼濶
節次剿敗餘匪急則竄入深山老林苟延殘喘

緩則分投出掠奔突無常殊堪痛恨現在大寧
太平等處賊匪有勒保督兵於川東境內自能
相機截剿至川北一路自德楞泰赴陝之後提
臣七十五又移師前赴通南是廣元邊境未免
空虛近日疊據署廣元縣知縣史欽義等稟報
有賊匪從寧羌大路闌入縣境在轉斗鋪神宣
驛朝天關等處焚掠人數較衆查廣元爲入川

門戶兼之逼近嘉陵江當此春融水淺之時甚
關緊要幸沿江上下先經勒保添派總兵許文
謨帶兵防範廣元地方亦預派總兵張志林會
同川北道李鉉在彼督率兵勇尙足以資守禦
並聞德楞泰欽奉

諭旨仍令回川如大兵跟蹤追剿不特逼賊入川其
勢順便而且此種敗殘餘匪正可就地殲除不

致蔓延爲患所有軍糧一項除於十一月內續
碾倉穀六萬石分運各路計刻下尙有盈餘惟
站長道遠必須寬爲籌備是以臣復會同臬司

董教增於嘉定敘州重慶眉州瀘州資州各府
州所屬派碾倉穀十萬石運至重慶轉運夔達
兩路以資分撥至餉銀一項粵餉二十五萬入
川後卽飭委員將十萬兩先解達州以六萬兩

截留夔州重慶餘銀九萬兩解至省城仍撥保
寧潼川各處均勻接濟十二月分民間津貼共
有十五萬四千餘兩亦以支發各營兵餉並各
屬應領軍需並無存剩幸京餉浙餉銀六十萬

兩先經

臣

稟明勒保以十八萬兩撥解達州以

十二萬兩撥解保寧以三十萬兩解省茲於臘

底新正先後運到五十萬兩足供月前支放

臣

自當會同臬司董教塲與各路總理道員加意
撙節不敢絲毫濫費再前向各舖戶所借銀十
餘萬兩卽於解送餉銀內加息清還奏入

上諭內閣曰楊揆奏稱上年十二月分民間樂輸餉
銀共有十五萬四千餘兩均已支發等語川東川
北屢經竄匪滋擾該省民人誼切枌榆急公尙義
輸將踴躍實屬可嘉其各屬續捐之項諒尙不止

此數且所捐銀數多寡不齊著勒保率同楊揆將
每處捐輸若干詳細查明分晰開單具奏候朕降
旨加恩按其銀數多寡酌量蠲免錢糧以示獎勵
臣等謹案國家有軍旅之事小民義切同仇
供其資糧屏履不過趨事赴功之常況此次
教匪滋事連年先後

發帑以億萬萬計蜀地沃野千里閭閻願切輸將

實屬分所應爾我

皇上保赤誠求體卹周至

蠲和

賜復之恩稠疊增益今以川東川北津貼銀兩一事

特降溫綸

嘉其急公尚義

諭令查明具奏酌免正供仰見

民依在抱

燾載同孚是以

天錫屢豐而洗兵迅速也

十五日

辛酉

上諭內閣曰額勒亨額在紫陽一帶防堵一載有餘並未與賊接仗前此竄匪於安康五塊石地方偷渡未能預爲防範額勒登保僅請將伊拔去花翎

尙覺過輕是以降旨交部嚴加議處今部議擬以革職固屬咎所應得但念賊匪偷渡時若額勒亨額係在該處專司防守之員卽革職尙不足以懲今旣查明賊匪偷渡處所距額勒亨額駐紮地方尙有八十里與專防安康汛地者究屬有間額勒亨額著加恩改爲革職留任八年無過方准開復

十六日壬戌長麟奏言臣等剿擊高馬賊匪未令

竄出峪口亦未令闌入甘境臣與楊遇春會商

以鐵爐川一帶現有臣派委之副將蕭福祿等

堵截該匪既不能竄往甘省必由外壩河余家

河翻山南趨黃沙驛舊州舖及西奔沔縣畧陽

一帶臣等自應抄赴西南設法截擊楊遇春等

當卽帶領馬隊於初四日先行前進初五日趕

至沔縣其步隊兵勇亦趕至黃沙驛

臣

於初五

日亦卽兼程趕至雞頭關是晚探聞該匪果由

余家河竄至火神廟新集梁屯紮楊遇春恐該

匪連夜乘間竄出仍派弁兵分赴各要路哨探

一面札會

臣

相機截剿三更後據報賊匪從龍

王溝竄來係出舊州鋪之路楊遇春等商酌如

卽驅兵截剿恐該匪折竄黑河老林不若伏兵

待其竄出剿辦較易得手當派總兵張鳳帶領
兵勇千餘名在舊州舖左面設伏楊遇春格布
舍同侍衛傅陞等帶領馬隊弁兵八百餘名在
舊州舖右手設伏又慮該匪被剿情急散竄復
派叅將張超等帶兵千餘名赴獅子溝截剿時
至五鼓該匪蜂擁向舊州舖狂奔我兵俟其全
數竄出溝口卽號令兵勇兩路一齊撲殺箭射

矛戳立斃賊匪二百餘人該匪亡命四散跣河

向元山子一帶狂竄

臣

當派叅將張應魁等帶

兵跟隨楊遇春等分投掩殺

臣

照應後路又斃

賊匪三四百人生擒三百餘人該匪等旋奔旋

聚結成三股其兩股翻元山子嶺後向東南山

坡而遁楊遇春隨派叅將張應魁帶兵由大路

向東抄剿楊遇春自帶馬隊沿山截殺派令步

隊由山嶺起剿自化山溝楊家河七里礪李家嘴等處追至銅廠計追殺將及二百里共又斃賊四五百人生擒四百餘名其一股約二百餘人向獅子溝奔竄正遇張超等之兵抄出截殺斃賊數十人餘匪翻七里礪山頂合歸前兩股均從銅廠毛塢子一帶逃竄眼見所剩不過五六百人趙慶成在二郎壩卡所聞信卽飛騎出

黃官嶺一路前來協剿亦有擒殺正在催兵前進間接據探報高馬後股賊匪前經楊遇春在中立坪截剿後亦尋前股賊蹤竄來已由馬道武曲舖竄入武關西溝等因查楊遇春正在追剿前股喫緊之際不克分身臣當卽趕緊折回黃沙驛飛探後股賊蹤相機剿辦其前股賊匪連夜向雲家河廟壩逃竄楊遇春因兵勇連日

兼程行走並於初六日追殺一日俱極疲乏當
令總兵張鳳帶領暫紮並將臣所派叅將張應

魁等之兵遣令回營以備截剿後股賊匪楊遇
春卽挑帶壯健馬隊二三百人並於總兵觀祥
卡內抽撥鄉勇數百名帶同觀祥趕赴廟壩迎
擊慶成帶兵向楊家河一帶追剿初七日慶成
等追及賊尾擒斬賊匪多名該匪探知前面廟

壩有兵攔截遂翻甘溝西奔黃洋河老林遁逸
查該匪由黃洋河奔竄不入南江卽入廣元楊
遇春於初八日仍帶本營兵勇緊追前進慶成
觀祥仍回二郎壩黃官嶺防堵計此次殺賊共
一千餘名其解營審辦者四百一十六名口訊
據活賊羅士柱供稱此股賊匪元帥係高三馬
五王廷詔賈志茂我係副元帥我們從武關西

溝奔去原想由鐵爐州要過甘省不料被官兵
截殺折去數百人尙有二千數百人因想官兵
未到大路我們連夜趕出舊州鋪過河奔西鄉
找另股合夥不料又遇官兵截剿官兵割獲首
級內有元帥賈志茂又先鋒楊光第及大小頭
目旗手等二十一名其餘都是戰手活賊內有
總兵尤登科其餘多係牙手亦有被裹百姓等

語當將該匪並尤登科及矛手邱明元等二百六十七名分別凌遲斬首其餘陳大連周李氏等一百四十九名口訊係新近被裹難民當卽解交漢中府查明釋放安置至冉伍等逆餘匪仍在盤屋山內潛匿額勒登保率同穆克登布等現由小王潤一帶深入老林搜剿諒該匪不能潛藏日內可就殄滅又龍紹周等股賊匪總

思東竄經總兵喜明革職總兵柯藩藩司溫承
惠等分帶兵勇在梁家壩黃柏墳等處截擊殲
斃賊匪四五百人該匪等仍卽折回紫陽安康
境內其會之秀一股餘匪現在白河之東壩一
帶遊奕德楞泰現已移兵過江剿辦奏入

上命軍機大臣傳諭長麟曰此次長麟楊遇春會商
後分投帶兵截剿高馬前股賊匪共計殺賊一千

餘名生擒七百餘名所辦俱好楊遇春格布舍傳
陞設伏截剿甚爲出力楊遇春著賞給四喜玉搬
指鑲玉帶頭大小荷包格布舍傳陞均著賞給四
喜玉搬指大小荷包並著交部議敘叅將張應魁
張超隨同殺賊亦屬奮勇著交部議敘又發去鼻
烟壺搬指火鐮各十件俱交楊遇春分賞軍營出
力人員以示鼓勵但高三馬五王廷詔係積久著

名首逆前曾懸立重賞上緊擒拏今長麟雖大獲
勝仗祇將向未著名之僞元帥賈志茂殲斃而高
馬王三逆仍令竄逸尙不滿意據所奏情形前股
賊匪所剩無多已由黃洋河奔竄有入川之勢楊
遇春緊追前進自可乘勝殲除而高三馬五王廷
詔係在後股賊匪之內長麟現已折回剿辦務於
陝省境內奮力截擊若能將此三逆一併殲擒長

麟之功甚大必當格外酬庸卽拏獲一二逆亦必
優加懋賞其長麟派出將弁兵勇不論何人將高
馬王三逆擒獲殲斃亦係長麟之功該督務須據
實奏明不可稍有假借亦勿粉飾不但將弁等照
前旨陞擢優賞長麟亦必一體加恩不可壞人之
功以爲已有至高馬王三逆最爲緊要詭計百出
果能悉數殲擒應受上賞倘縱令奔竄則罪亦不

止於革職長麟不可不倍加奮勉速奏捷音也